



Manifestación contra los ataques del capital en Gijón el 18 de marzo

15MASTURIAS :: 09/03/2012

El 15M Asturias convoca a la ciudadanía a manifestarse en Xixón el 18 de Marzo a las 17.00h en Plaza l'Humedal.

Los últimos acontecimientos (reforma laboral, privatizaciones n'educación y sanidá, represión a los estudiantes) que preceden anuncios de más duros y severos retayos, pónennos na disyuntiva de convocar a la población a manifestarse pa expresar la so indignación, y de dalguna manera, articular una rempuesta multitudinaria contra estos ataques del CAPITAL cobixáu baxo una clase política rendía al so interés.

El 15M Asturias fae un llamáu tamién a los colectivos y movimientos sociales (nun inclúi a les estructures partidistes y a les cúpules de los sindicatos “mayoritarios”) y a toda población en xeneral, a sofitar y asistir a esta manifestación, faciendo visibles les lluches que lleven a cau nos sos respectivos ámbitos d'actuación, mediante les pancartas y materiales informativos que consideren oportuno. Una de les pretensiones de la movilización del día 18 ye precisamente amosar que'l nuesu enemigu común (los MERCAOS) s'espresa y nos esplota en munchos ámbitos de la nueva vida cotidiana.

Queremos incidir en particular nesti llamáu a los colectivos de desempleaos, precarios, trabayadores y estudiantes cuya situación anguaño ye más delicada si cabe que'l restu de nosotres. Por embargu, toes d'una manera u otra venimos siendo oxetu de los repetíos ataques d'unos mercados cuyu único fin ye l'apoderamientu de tolos resortes de la sociedá pal so propiu enriquecimientu y esclusivu interés.

Ye evidente que la nueva realidá oxetiva empeoró de manera esponencial d'un tiempu p'acá, reflexándose na nueva cotidianidá con pérdida de drechos, llibertades, poder adquisitivu, etc.

Por si esto fuere poco, como demostración palpable del desinterés de la clase política poles necesidaes de la ciudadanía a la que dicen representar, impónennos una convocatoria anticipada d'elecciones n'Asturies, que va suponer más austeridá y sacrificiu nel gastu públicu, pa la mayoría de la ciudadanía, dau'l despilfarru de dellos millones d'euros que implica llevar a cau dicha convocatoria electoral, cuyu resultáu ye intrescendente, yá que los únicos y auténticos vencedores d'estes elecciones van ser, una vegada más, los MERCAOS.

18/03/12. ASTURIAS TOMA LA CAI. XUNTES Y XUNTOS PODEMOS